

ների վրա: Մի քանի հարիւր մարդ սպանւեց, դիւղը աւարի տրւեց ու քար ու քանդ եղաւ:

Ղալբալիքենդի կոտորածից յետոյ, մօտակայ Կրկըժան գիւղի հայ բնակիչները սպիտակ դրօշ բարձրացնելով՝ ուղևորւեցին Սանքենդ գիւղի-դիւայի պետի մօտ՝ պաշտպանութիւն խնդրելու նպատակով: Սանքենդից ուղարկւեց մի զօրամաս սպայի գլխաւորութեամբ, որը առաջարկեց հայ գիւղացիներին իրենց զոյքը յանձնել ի պահ հարևան թուրքերին և տեղափոխել Սանքենդ: Այդպէս էլ արւեց, բայց Կրկըժանը այնուամենայնիւ աւերեց ու թալանեց յուլ. 7-ին. բոլոր հայերի տները հրդեհւեցին զօրքերի աչքի առջև, զինւորական շտաբից մի վերստ հեռաւորութեան վրա:

Նոյն պայմաններում, զօրքի աչքի առջև, յաջորդ օրը, աւերեց ու թալանեց և Փահլիւ հայաբնակ գիւղը, որի աւերածութեան մասնակցեցին և ասկեարները:

Սանքենդից ոչ հեռու, իր կալածում, թուրք պահակների ներկայութեամբ սպանւեց Նատալիա Աթաբէգեանն ու իր աղախինը. դիակները կորան անհետ:

Թուրք ամբոխը, մասնակցութեամբ քրդական հեծելազօրի, յարձակւեց Դաշաթի գիւղի վրա, որը փրկւեց միայն անգլիացիների միջամտութեամբ: Յարձակում եղաւ և Դաշքենդ գիւղի վրա, որի բնակիչները ցոյց տւին դիմադրութիւն: Սուլթանովը պատժելու համար գիւղացիներին՝ զնգացիր ուղարկեց նրանց դէմ:

Ասկերանի կիրճի մօտի Նախիջևանիկ և ուրիշ հայ գիւղերը տառաջի իմաստով դրւեցին պաշարողական վիճակի մէջ: Գիւղական տները դէմ հանդիման կանգնեցւեցին կանոնաւոր զօրքեր, որոնք նեղում էին գիւղացիներին, թալանում ու փչացնում նրանց այգիները, բռնութիւններ գործ դնում, կանանց յետևից բնկնում և հրացանաձգութեամբ վախի տակ պահում ամենքին:

Անգոր որևէ իրական դարման հասցնելու, յունիս 12-ին մայր Մաք Մեգենը անգլիական ներկայացուցչութեան և զինւորների հետ հեռացաւ Ղարաբաղից՝ տանելով իր հետ հայ ժողովրդի անասման առեւտրիւնը, որին այնպէս արժանի էր: Սուլթանովի ձեռքերն այլևս բոլորովին ազատ էին:

Ղարաբաղի կոտորածները սաստիկ յուզում առաջ բերին Կովկասի հայութեան բոլոր խաւերում: Առաջին արձագանգը լսեց էջմիածնից: Ամենայն Հայոց Կաթողիկոսը զօր. Քորիին ուղղեց հետևեալ հեռագիրը. «Մենք համոզւած ենք, որ դաշնակիցների հովանաւորութեան շնորհիւ մեր հօտի համար հասել է փրկութիւնը երկար տանջանքներից ու չարչարանքներից: Բայց և այնպէս, Ղարաբաղում հոսում է անմեղ արիւնը կանանց, երեխաների և նրանց հեբոսական պաշտպանների, որոնց ողբն ու աղաղակը հասնում է մինչև մեր պատրիարքական աթոռը: Մենք չենք կարող մնալ անկարեկից դիտող կատարւող սարսափների և ձայն չբարձրացնել ի պաշտպանութիւն անմեղ զոհերի: Այդ պատճառով դիմում ենք ձեզ, իբրև Մեծն Իրիտանիայի ներկայացուցչի և խնդրում պաշտպանել նոր բնաջնջման